

# QVADRANTIS VSVS ET EXPLICATIO BREVIS.

Per Ioannem Dryandrum Medicum,  
Professorem Marpurgensem.





VVM TE FELICI QVADAM SAGA-  
citate dudum, Mathematicas artes non planè contem-  
re, sed magni semper facere, animaduertem, ut qui o-  
ptimo iudicio præditus, non solum de hisce artibus me  
præsentē aliquoties honorifice uerba feceris, uerum etiam  
earundem artium cultores magnifice colendos, & quibusq; beneficio-  
rum officijs prosequendos putares, idq; eo argumento maxime declarabas,  
quod aliorum monumēta & adsubre constructa instrumenta Astrologica,  
candidius amplexabaris, & admiratione summa prosequeraris. Hoc sem-  
per animi decretum proferens: Nullis te malle artibus inuigilare, si non  
aule intricatissima obstarent negotia, quibus te totū dederē cogeris, quàm  
hisce quas ego aliquoties profiteor artibus cyclicis & mathematicis. Quæ  
omnia quanto sis ingenio atq; animi iudicio præditus, facile cuius gu-  
stum præbere queant, qui in hisce quæ ære semper habite sunt & certe  
discipline, quæq; plurimum momenti ad constituendas Respublicas ha-  
bere uidentur artibus, te acquiescere proferas. Quo argumento ego nimi-  
rum motus, tibi hæc qualicunq; de Quadrante & eius usu in puericie no-  
stre institutionem conscripta eousq; prælegenda offero atq; dedico,  
quousq; alia grauiora tibi inscribendi atq; euulgandi detur  
tempus & occasio. Vale ornatisime Simon, atq;  
Dryandrum tuum (ut coepisti) ama. Date  
Marpurgi, decimo quarto Calendæ  
Septembres. Anno Domini,  
M. D. XLI.

# PARTE QVA DRANTIS.



Vadrantis usus explicaturus, Primo ex quibus partibus constet instrumētum, dicam. Sunt igitur in unius planitiei quadrangulārī figura quatuor distincta instrumenta. Primo quod ad exteriorē limbum attinet, uides quadrantem Geometricum, a. b. c. d. literis designatū, cuius duo latera B.

D. & D. C. æqualibus partium dissectionibus ita sunt distincta, ut quodlibet latus xij. gradus adpositis suis numeris complectatur. Latus itaq; lateri, quamuis in unguem planè sit simili diuisione correspondens, non tamen utriusq; eadem erit ratio siue usus, ut eñ latus B. D. umbræ uersæ. Ita D. C. umbræ rectæ, dimetiendæ, est dicatum. Eius instrumēti usus, ut nullus omnium foelicius & copiosius tractat. Georgio Peurbachio in ſigni mathematico, ita nos breuitati consulentes, infra, carpiam eius usus proferemus.

Secundum in plana hac nostra figura inclusum instrumentum, est Quadrans Astronomicus, literis A. F. E. designatus, quo corporum cælo hærentium, altitudines, ortus & occasus, atq; reliqua eius generis,prehenduntur. Habet hic Quadrans paulo aliam rationem, quàm quadrans Geometricus. Quod ex integro circulo in suos gradus ccclx. diuisiō, quartæ unius rationem obtineat, id quod & gradus ab uno circa F. in xc. gradus usq; E. progrediēdo, adscripto suo semper auctiore facto numero, indicant.

Quartum instrumentum est Horarium diurnum pro captandis horis inter diu obseruatīs, accommodum. Hæc figura

A η instru-

instrumenti, ut mediam partem planicie occupat, ita facile sua pictura, suis lineis quibus singulis, singulae numerorum notae adfixae sunt, innotescit. Item in dexterae partis latere, adposita scala Zodiaci, sui formam conspiciendam exhibet.

Quintum & ultimum instrumentum est pro rimandis horis planetarijs (quas inaequales uocamus) delineata figura, cuius linearum adscripti numeri rationes produnt.

Ex partibus Quadrantis esse non parui momenti putamus, in summo fastigio instrumenti, maxime in recta linea A, C. duo pinnacidia tenuibus foraminibus perforata, ex quibus trajecto solis radio, uel oculorum, singuli usus inferius explicandi sibi constabunt.

Simili modo filum adiiciendum erit, regulamentum (ut ita dicam) totius Quadrantis. Fili autem locus est angulus A, ad cuius fili extremam partem, plumbum uel ponderosum quicquam adligandum esse, quo perpendiculari noscatur usus, quis est qui ignoret? Ita in fili spacio intermedio inter centrum atque perpendicularum pondus, addendos esse duos pertenues nodulos, qui sursum atque deorsum moueri in ipso filo queant, neminem non scire minime dubitamus. Haec sunt partes omnes ex quibus quadrans Geometricus siue tetragonus constat, ad usus explicandos accingamur.

#### PRIMVS VSVS.

**I**nuestigandae horae quoque tempore diurno, rationem habet quam rem rectius percipies, ubi prius Zodiaci explicatio nem didiceris. Ex sphaerae rudimentis constat Solem perpetuo tempore, Zodiaci, adeoque eclipticae gradus, ascendendo & descendendo occupare, atque pro diuersitate ascensus atque descensus, alias atque alias quantitates dierum & noctium conficere. Ut itaque in coeli zodiaco de signo in signum, solis locus progreditur, ita & in scala signorum zodiaci, in Quadrante locus uerus Solis pro captanda hora, qui dato tuo tempore respondet, constituendus erit. Scalae itaque zodiaci ad symmetriam

triam atq; proportionem sibi defitam, uides hic explicatam figuram, quæ ad characteris signi denominationẽ, colligenda statuitur. Vides itaq; singula spacia singulis signis zodiacis attributa, ut in ima parte Cancrī & Geminorū, in suprema Sagittarij & Capricorni delineatas uides. Iā ex Calēdario uel quouis alio modo licet diei propositi tui quæres uerum locū, quem sol in zodiaco obtinet, extensoq; filo ex centro suo in ultimum gradum Quadrantis, circa E. in ipsa linea, moueas in feriolem fili nodulū, quousq; prope gradum solis in scala zodiaci notatum peruenerit, eritq; instructum pro hoc tempore instrumentū. Ad horam itaq; deprehendendam dextra manu instrumēto deprehēso A. C. lineam, ubi pinnacidia sunt, ita soli opponas, quod q̄ rectissime radium solis per utrunq; foramē proijci uideas, in tali situ ubi tunc nodulus inter lineas horarias cōspicitur, eam esse horam, uel horæ partem, pronunciabis. Cum itaq; singulæ lineæ horariæ binos numeros inscriptos habeant. Si tempus tuæ considerationis fuerit ante meridiem in ima parte linearum inscriptos numeros horarum adplica, post meridiem, in suprema.

#### SECUNDVS.

Hora ortus & occasus.

**N**Odulum in filo ad signum atq; signi gradum instructū ad lineam H. F. moueto, atq; inter horarias lineas horæ ortus, atq; ex opposita consideratione occasus uidebis. Retinendumq; erit in memoria hanc lineā à summa atq; ima utriusq; solstitij arcus signatura interceptam Horizontis nostri habere iustissimam rationem, quemadmodū duodecimæ horæ linea, inter iam memoratos arcus intercepta, meridiani circuli rationem atq; normam obtineet.

#### TERTIVS.

Quantitas diei & noctis.

**V**Truncq; scies cōmode si ortus atq; occasus solis tempus intermedium, in horarum atq; earundem fractionū certam

tam quantitate coegeris, quantum tu in arcus cuiuslibet dies,  
facile planumerit, quo habito temporis & horarum quanti-  
tas tanta adposita, quo xxiiij. excrescant, additamenti eius ho-  
ræ quot fuerint, tantus est arcus nocturnus.

#### Q V A R T V S.

De inuentione horarum diei ab ortu & noctis ab occasu  
transactarum, in quibuslibet horologijs ab ortu  
uel occasu solis à meridie uel media  
nocte inchoantibus.

**H**Occaput docet quo pacto in horologio à quocunq; tem-  
pore diei naturalis, inchoatę horę sint cōmutandę ex ho-  
ris nostri horologii uel etiam alterius cuiusdā, in horas alteri-  
us. Qui igit̃ uolet horas ex uno horologio in aliud reducere  
uel cōmutare, necesse est ut habeat horologiorū, quorū horæ  
inter se cōmutandę sunt, rationē bene cognitam, id est, oport-  
et, ut sciāt à quo tempore incipiant, uel in qđ desināt, num in-  
cipiāt ab occasu uel ab ortu solis, an in meridie, uel media no-  
cte, num etiam desinant rursus in horam occasus uel ortus so-  
lis, an in meridiem, uel mediam noctem, an ne seorsum nume-  
rent diem, & seorsum noctem, an in continuum numerent ab-  
unitatis numero usq; ad xxiiij.

Quæ ubi cognoueris, & uoles scire quota sit hora diei uel  
noctis secundum quodlibet horologiū, ea hora quæ tibi est  
proposita, sic operare. Tempus quod est initium horologii,  
principium primæ horæ statuas, omni horæ xv. gradus de-  
putando: deinde qui sequentur xv. gradus secundam efficient  
horam, & sic numerabis quo ad perueneris ad horam propo-  
sitam. Numerus aut̃ qui postremus ex ista numeratione exur-  
git, indicat tibi quota ea sit hora diei uel noctis, hoc exemplis  
rectius intelligetur. Sit exempli gratia. Apud Marpurgēses  
qui principiū numeratiōis uel in meridie uel in media nocte  
statuunt, data hora secunda pomeridiana, nono die Maij, uo-  
lo scire quota sit hora secundum horologiū Nornbergense,  
ubi



ubi principium ab ortu solis computatur. Quæro igitur tempus ortus solis eius dici, & inuenio solem oriri hora quarta, & aliquot minutis post, atq; cuilibet horæ xv. gradus deputo, quibus numeratis horam quæ est in nostro instrumento secunda post meridiem, iuxta horologium Marpurgenſe, inuenio secundum Nornbergenſe eſſe horam decimã ferẽ. Aliud exemplum: Apud Vratiſlauanos in Sileſia ubi initium horologi est hora occaſus ſolis, numerando continuo uſq; ad xxiiij, dat mihi hora quarta die Maij ix. uolo ſcire quota ſit ea ſecundum horologium Nurnbergenſe, ibi oportet me & occaſum ſolis iuxta Vratiſlauenſes, & ortum iuxta Nornbergenſes conſiderare. Conſidero itaq; per gradus in circulo horarum æqualium, & inuenio horam quæ erat iuxta Vratiſlauenſe horologium xiiij. iuxta Nornbergenſe eſſe horã v. & aliquot minuta ſextæ horæ &c. Eadem ratione & aliorum horologiõũ concordantias poteris inuenire.


#### Q V I N T V S.

In quoto ſigno zodiaci ſit Sol quolibet die.

**Z**odiaci gradus cum calendarij diebus proportionatã neceſſe eſt habeant conſtitutionẽ, alteræ enim ex altero facile cognoscitur, id cum uarijs ad hunc uſum apparatus instrumentis addiſcitur, tum maximè ex hac appoſita rotula longe omnium faciliſime deprehendes, deductio filo ad diem propoſitum uel ad gradum ſolis. In hoc autem quadrante præter hanc rotulam, idẽ deprehendes in meridie, ubi ſolis eleuatio ſupra terram fuerit maxima iſtius propoſiti diei, quod ſemper contingit, hora xij. ſolis radiũ per utruq; pinnacidium coge ad locum in quo tũ filũ lineam xij. horæ dicatam, interſeca uerit, inferiorem nodulũ moueto, immoto nodulo filũ ad ſcalę ſignorũ fiducia uocatam lineam A. C. moueto, quicq; tũ gradus ex latere nodulum reſpicit, is eſt quem quærebas. Habẽda tamen erit temporis ratio, num à ſolſtitio æſtuo ad hyemis ſolſtitij intermedium tempus conſiderationem referas,

tum

rum utendum erit ea medietate scalæ in qua sunt signa Can-  
cer, Leo, Virgo, Libra, Scorpio, Sagittarius, Capricornus.  
Sin aliter, in alio.



### SEXTVS.

Solstitia atq; Æquinoctia;

**N**on magni est laboris ea deprehendere, nodulo enim  
pro temporis ratione instructo, si in supremo arcu Ho-  
rarij uersetur, solstitium est hyemis. Cōtra, si in imo, æstatis.  
Simili modo, si in medio arcuum istorum nodulus uersetur  
scito



scito alterutrū esse æquinoctiū, quod si m̄ ex ad astatē uel  
uer ipsū tēporis uergat progressus, Vernū esse pronuncia  
bis. Sin cōtra, ad autumnū uel hyemem, Autūnumnale, quē  
temporū quatuor insigniora loca atq; terminos, arcus tres o  
mnes horarias lineas intersecantes, indicabunt.

#### SEPTIMVS.

Elevationem solis supra terrā quolibet momento,  
sereno, siue nubilo cōelo deprehendere.

**N**on solum Solis, sed & oīum corporū cōelo conspicuo  
rū elevationes usu istius instrumenti deprehendimus  
Solis enim radio per pinnacidia, recto modo procedente, si  
lum in arcu Quadrantis & gradū & numerū elevationis su  
intersectiōe indicat. Pro stellis x̄o, atq; reliquis corporibus  
stellam ipsam, uisu per pinnacidia proiecto, p̄spice, atq; tum  
intersectio fili, eadem ratione, ut antea in sole, elevationē in  
dicat. Idē sereno cōelo locum habet. Verum, nubibus uel nu  
bulis obscuro cōelo, idē scire cupiens, considera, ut uisu pro  
iecto per pinnulas mediū corpus Solis uel Lunæ obscurius,  
inter nubes uel nebulas, elucescens, deprehendas, quo facto  
fili cum Quadrante intersectio, cupitum indicabit,

#### OCTAVVS.

Quota sit hora Planetaria, die & nocte inuenire.

**H**oram inæqualem uocamus etiā alio nomine tempo  
ralem uel horam Planetæ. Et est eius ratio huiusmodi,  
q̄ omnis dies cuiuscunq; sit magnitudinis, diuidat̄ in xij. ho  
ras equales. Consimiliter & nox quālibet in horas xij. dicun  
tur hæ horæ inæquales, quia omni die mutantur, neq; sunt  
eadem cum horis alterius diei, nisi in æquinoctiis. Planetarū  
autē horæ ob id dicuntur, q̄ omnis hora habeat peculiarē do  
minum ex Planetis, qui dominetur per spaciū unius horæ.

Si igitur quolibet tpe diei uolueris horā inæqualem scire,  
reuoca in mentem quod supra de elevatione solis supra ter  
ram, maxime in meridiano tpe, hoc est hora xij. reperieḃda do

B cuimus,

cumus, producto filo ad hunc gradum, ubi tum filum cū ar-  
 cu sextæ horæ planetariæ intersectionū facit, eò quàm fieri  
 potest rectissime nodulum superiorem moue, deinceps splē



dēte sole, quadrantē  
 ita oppone, ut ante-  
 hac pro uulgata ho-  
 rarimāda edoctus es  
 ubi tū inter arcus ho-  
 rarum planetariarū  
 nodulus cōspicitur,  
 hāc esse horam scias.  
 Sic tamen, ut superi-  
 orum numerorum,  
 ante meridiem, infe-  
 riorū, post meridiē  
 sit usus.

De domino cuiuslibet horæ inæqualis inueniēdo.

**I**N hora planetæ inuenienda uulgo aliquanto rudius, ut nō  
 nullis uisum est, præcipiunt, sed tamen non ita inepte:  
 Nos quoq; quādo quidē facilitatē & breuitatē studemus eun-  
 dem uulgarem modum inueniēdi horam planetæ observa-  
 bimus, quancūq; instrūmento in hac re nihil opus habemus, in  
 hunc autē modum præcipiūt, ut sciamus primō quis planetæ  
 cuiuslibet diei dominus sit, ut dominicę diei dominus est sol,  
 ferię secundæ luna, feriæ tertiæ Mars, quartę Mercurius, quin-  
 tæ iupiter, sextę Venus, septimę Saturnus, qui ergo dominū  
 diei cognitum habet, attribuat primæ horæ inæquali diei eun-  
 dem planetam, qui diei dominatur, horæ secundæ planetā se-  
 quentem in ordine planetarū, quem habet ex Sphararū serie,  
 post tertiæ horæ consimiliter planetam qui post dominū est  
 in ordine tertius &c. Atq; ita quicūq; planetarum qualibet  
 hora siue diei siue noctis inueniet, dicitur illi dominari, sed  
 propter faciliorem intellectum ponatur nobis solis dies, cu-  
 ius horæ singulę sunt inueniēde.

Hore diei 12	1	Sol	Hore noctis 12	1	Iupiter
	2	Venus		2	Mars
	3	Mercurius		3	Sol
	4	Luna		4	Venus
	5	Saturnus		5	Mercurius
	6	Iupiter		6	Luna
	7	Mars		7	Saturnus
	8	Sol		8	Iupiter
	9	Venus		9	Mars
	10	Mercurius		10	Sol
	11	Luna		11	Venus
	12	Saturnus		12	Mercurius

### NONVS.

Numerarium abacum eleuationis solis, tam pro horis æqualibus, quàm inæqualibus, ex quo deinceps diuersa instrumenta uidelicet Annuli Cylindri &c. conficiuntur elicere.

**T**Abulæ eleuationis solis super terram, singulis horis singulorum dierum cõpositiõnem, in Sphæræ atq; Globi mei Canonibus plenius tradidimus, atq; cõmeditatõnem usus probauimus, ex tabulæ, ut ex globo atq; instrumento organũ Ptolemæi uocato ad omnes eleuationes polares facillime & felicissime componi queant, ita ex hisce partialibus instrumentis, non nisi ad unam solam, ad quam instrumentũ instructum est, poli eleuationem, tabulam conficies, ut ex nostro quadrante poli pro eleuatione li. graduum tabulã, rectissime confeceris, sic pro cuiusq; signi zodiaci initio, rectulo instructo ac si horam captare uelis, ad singulas horas filum applicato, atq; quot gradus in arcu quadrantis intersectari uideris, tot gradibus eadẽ hora solẽ supra terram eleuatũ esse iudica, quos numeros, astronomico more ad sua signa zodiaci atq; ad suas horas diei conscriptas referendo, ordine tabulam conspicias formari, quam Abacũ numerarium solent uocare, similis operatio est pro horis planetarum in tabulam cogendis, pro quo

B ij libet

libet ligno, secundum nodulum ad sextā horæ lineā promo-  
ueto, inferiore nodulo in xij. linea requiescēte, deinceps respi-  
ce inter arcus horareos ad cōtactum instructi noduli, quotus  
gradus in arcu Quadrantis intersecatur, tot gradibus eleua-  
tus Sol est &c.

DECIMVS.

Plenilunij & quartarum Lunæ tempore, ex ele-  
uatione Lunæ, horam noctu scire.

**L**Vna plena semper oppositum Solis gradui, signū occu-  
pat, existente itaq; sole in linea meridiana noctis tempo-  
re apud antipodes, Luna erit apud nos, in linea nostra meridi-  
ana, hoc quod ad tēpus attinet, erit hora noctis xij. Sic ex cer-  
ta quadā calculatione, quæ lunæ motui tribuit, hæc proposi-  
tio magis & minus ad ueritatem accedit, quamuis & propter  
Lunæ ab eclipctica declinationē, quid erroris documentum  
habere conuincitur.

VNDECIMVS.

Ad quam eleuationem poli quilibet Quadrans  
sit constructus.

**F**llum ubi cōmunis intersectio arcus æquinoctiorum fit cū  
linea meridiana, uel hora xij. extende, atq; intersectio in  
quadrantis arcu, in gradibus, eleuationē Aequinoctialis cir-  
culi indicabit in numeris, q̄t gradus huic sum̃æ adijcies, quo  
x̄c. excreſcāt, tot tibi quadrātis tui ele. polarē esse mōstrabūt,

DVODECIMVS.

Ad eleuationem stellarum cognoscendam repete quæ  
supra in vij. propositione dicta sunt.

DECIMVSTER TIVS.

VSVS QVADRANTIS. QVI GEOMETRI-  
ca ratione considerantur.

**I**N hac parte de metiendis rebus dicemus, uidelicet, quo pa-  
cto altitudines rerum uel latitudines, uel etiam profundi-  
tates mensurare possimus. Mensuramus aut̃ dupliciter, ex-  
cellarum rerū magnitudines, aut enim per umbram, aut per  
ipsius

iplius magnitudinis metiendæ, summū punctum, altitudinē rei inquirimus. Vtrāq; ratio utilis est & digna quæ cognoscatur, quare etiam utramq; subiiciam, ac primo de umbra dicenda sunt quædam, totū negotio postea profutura. Vmbra itaq; dupliciter diuidimus, in Rectam & Versam. Vmbra recta est, quam proijcit res in superficie Horizontis perpēdiculariter erecta, qualē turres proijciunt. Versa, est, quam res superficiei horizontis æquidistantes, efficiunt in superficie rei orthogonaliter super horizontis superficiem stantes, qualē efficiunt stili in horologijs, ut uocant, muralibus. Ideoq; in Quadrante hanc umbrarum diuersitatem adscripsi.

### DE RERVM EXCELSARVM ALTITVDINE per Quadrantem cognoscenda.

**Q**ui uoluerit rei cuiusq; altitudinem inuestigare, respiciat per duo foramina maiora pinnularum, quas fecimus ad rei mensurandæ summam, inde, ita tisper uel accedat ad rem, uel recedat, quoad complete filum, gradum 45. in limbo secet: quo factō, spaciū quod est inter te & rem metiendam interceptum, passibus uel ulnis metire, adiecta tamen altitudine tuæ stature, quæ est ab oculo usq; ad plantam pedis, & quantum spaciū inde prouenit, tanta est eleuatio rei metiendæ supra terrā.

### De altitudine rei per scalam altimetram inuenienda.

**P**er scalam altimetram etiam poterimus rei excelsæ altitudinem inuenire, quæ propter, sicut in præmissa propositione dixi, respice per duo foramina, ad reī summum punctum, cuius altitudinem scire desideras. Quod situm filum super intersectiones umbræ rectæ ceciderit, diuide 12. per numerum intersectionum, quas filum absceidit, & quotientem serua, postea mensura aliqua metire distantiam inter te & radicem rei mensurandæ, & quod inde prouenit, multiplica per quotientem, numerus autem productus unā cum quantitate stature tuæ, altitudinem rei declarabit.

Si uero filum super intersectiones umbræ uersæ ceciderit, obserua quot partes umbræ uersæ rescuerit linea. Deinde mensura aliquatibi cognita, statim inter stationem tuam et radicem rei propositæ metire. Partes autem per filum absceisse, in quacūq; proportionē ad 12. se habuerint, in eadem proportionē habebit se magnitudo rei mensurandæ ad spaciū quod est inter radicem rei & pedem mensoris.

## De rerum excelsarum altitudine inaccessibili cognoscenda.

**V**tilis est hæc propositio cum uoluerimus in ijs locis mensurare, quorum accessus ut sæpe fit, difficilis est, uel etiam omnino denegatur, propter aquas interuenientes, uel fossas. Ideoq; in hunc modum operare. Quadrantem, ut in alijs subleua, quoad per foramina pinnularum summum rei punctum conspicias. Deinde si per intersectiones umbræ uersæ ceciderit, considera quot rescuerit partes, per eam autem numerum partium diuide 12. & quotientem memoria teneto. Postea loco stationis signato, pro loci comoditate uel ad rem propius accede: uel si magis placuerit, ab ea retro cede, ibi rursus ut in priori statione summum punctum rei, per foramina pinnularum aspicias, & per numerum partium abscissarum diuide 12 quotientem autē, si fuerit minor, ab illo priori subtrahito, sin maior, illum priorem ab posteriore demas. Quod deinde post subtractionem remanserit, adnotabis. Spacium autem quod est inter stationem priorem & posteriorem, mensura aliqua tibi cognita mensurato, & numerum mensuræ diuide per numerum qui post subtractionem remanserat. Quotiens autem adiecta statura tua ostendit tibi altitudinem rei eleuatae.

De cognoscenda altitudine rei in monte sitæ.

**H**uc pertinet quod de altitudine cognoscenda rei alicuius in monte stantis precipiunt, qua de re breuiter etiam hoc loco dicam. Principio diligendus est locus aliquis planus superficiæ horisontis æqualis, uidelicet ne sit in colle, si fieri potest aut ualle: quo inuenio radicem montis diligenter inquiramus. Illa etiam inuenta, per præcedens caput summmitatem montis mensurabimus. Postea coniunctim spacium quod est à radice montis ad summum punctum rei in monte stantis per eandem propositionem præcedentem mensuramus. Deinde subtracta altitudine montis, id quod remanet erit altitudo rei in monte erectæ.

De altitudine rerum excelsarum per umbram cognoscenda.

**A**d rerum altitudines per umbram metiendas, opus est nobis uel Solis lumine, uel Luce. Quare primo altitudinem Solis, si interdiu fuerit, inquire, uel Luce si noctu. Quæ si fuerit 45. graduum, altitudo rei æqualis erit suæ rei metiende, si autem altitudo Solis uel lunc maior fuerit 45 gradibus, tunc metire umbram mensura aliqua cognita, eam per 12. multiplica, & productum ex illa supputatione per numerum partium abscissarum diuide, & mox numerus quotientis rei altitudinem manifestabit.

Quod si autem præcisè 6. partes umbræ rectæ absciderit, memineris umbram esse ordietatem rei metiendæ, quam si bis sumperis, altitudinem rei cognoscēs.

Si uero



Si uero altitudo Solis uel Lune minor fuerit 45. graduum, mensurato umbram, mensura aliqua bene cognita, eam multiplica per numerum partium abscissarum, productum autem diuide per 12. quotiens erit altitudo rei propositæ. Quod si autem præcisæ sex partes umbræ uerse resecuerit, certius esse debes, umbram dupliciter in se continere rei altitudinem. Erit igitur medietas umbræ, altitudo rei metiendæ.

### De distantia rerum in longitudine mensuranda.

**R**es in longitudine distantes, hac ratione metiri solent: Adparetur uirga, quæ contineat longitudinem stature mensurantis ab oculo ad plantam pedis, ea in duodecim partes diuidatur. Postea respiciat ab uno termino spatij mensurandi, per duo foramina pinnularum ad alterum rei terminum, et per numerum partium, per filum abscissarum diuide duodecim. Quotiens autem tibi indicabit, quot modis contineatur uirga una cum parte eius aliquota, in spacio mensurando, ut si undecim absciderit, spatium rei, uirgam semel continebit, et eius partem undecimam. Si quinque partes absciderit, Virga in spacio bis continetur, una cum duabus eius quintis.

Si autem distantia esset nimis magna ab uno termino in alterum, poteris accipere bastam longam, quæ staturam tuam bis, ter aut quater contineat, quæ supra terram stante, applica summmitati eius oculum, et operare similiter, quemadmodum supra cum uirga mensoria.

### De metiendis profunditatibus.

**Q**ui rei alicuius profunditatem metiri uolet, quæ exempli gratia sit putei. Primo diametri latitudinem putei inquirat. Postea per foramina pinnularum respiciat summum punctum etimum putei. Deinde quot partes absciderit, uide, et diametrum mensura aliqua tibi nota, mensurato, eam per duodecim multiplica, et quod inde producet, diuide per numerum punctorum abscissorum, quotiens autem ostendet tibi quot modis profunditas putei in se latitudinem eius contineat, adiecto tamen spacio, quod fuit à summo puncto putei ad oculum mensoris. Si autem occiderit filum in lineam mediæ umbræ, id est, in lineam quæ per angulum quadrantis transit, profunditas putei erit æqualis latitudini.

A 1. facie 2. lin. 24. pro qualicumque lege quolibet.

A 2. fac. 1. lin. 25. pro diuisione, lege diuiso. A 4. fac. 2. lin. 2. delatur Capricornus.

Impressum Marburgi, Anno M. D. XLII.

